

Коми Республикаса том войтырлөн газет



# ЙОЛДА

2014  
коч му  
25-ӧд  
лун

16 №  
(1141)



*Вылыс Максаковкаса  
школаы -*

**75**



**Тшупöда  
ЦАС**

**«Йёлöгалөн» тайö петасыс бара на аслыспөлöс: сийöс быдсөн сийма Сыктывкарбердса Вылыс Максаковкаса 15-öd номера шко- лалөн 75 вося тшупöда паслы.**

# Вояс бөрся вояс

## А заводитчис ставыс нейджыд запаньсянь...

Школалөн история топыда йитчöма Максаковка посёлөклөн историякöд. Татчöс войтырлы эм, мыйыс радейтны ассыс оланінсö, öд 1973-öd воö Максаковка посёлок нимöдисны Москваса выставка вылын.

1930-31-öd воясö Сыктывкарсянь 6 километра ылнаын (Сыктыв ю вомын) чужöма Максаковкаса запань. Татысянь кывтöма карöдз вөр. А война кадö тайö запаньслөн коланлуныс уна пöв содöма. Юркара войтыр тайö ингясö волöмаöсь вöравны, чери кыйны, вотчыны. Сулалöма коркö тан Максаков ова мужичöйлөн вөр керка. Буретш сылөн овөн и нимтöмаöсь запаньсö, а бөрынджык и посёлөксö. А медводдза олысьяснас лоöмаöсь кулачитöм, лунвыв районгьясыс ыстöм войтыр, Польшаыс «переселенечьяс» да Поволжьеыс немецьяс. Вайöмаöсь тайö йöзсö баржаясөн. Бура дыр найö оломаöсь зэв сьöкыда.

1934-öd воын запаньсянь километра ылнаын паськöдчöма Улыс Максаковка посёлок, кыпалöмаöсь баракгьяс. Сэки заводитöмаöсь татчö воавны мукöд сикт-грездыс войтыр. Öти жырйын сэки оломаöсь 3-4 семьяөн. Узьломаöсь джоджас.



Улыс Максаковкаса велöдчысыяс. 1947 во.

## Велöдысьяс абу тырмöмаöсь

1937-öd воын тані вöсьöма неграмотной войтырлы школа. Велöдысьяс абу тырмöмаöсь.

1939-1940-öd вося Просвещениеса наркомлөн отчётын пасийма велöдчыс лыдыс - 71 морт. Велöдысьяс - Ольга Ивановна Спирина.

1939-öd воын нейджыд олан керкаын вöсьöма 17-öd номера Максаковкаса школа. 1 классö пырöма 38 ныв-зон. Тані вöлöма велöдыслөн жыр, ворсанін (сэні жö пöрччысьлöмаöсь) да кык класс. Унджык челядыс - кулачитöм войтырлөн.

1940-41 воясö школаын вöлöма нин 60 морт, 1943-44-öd воясö - 75 велöдчыс. Тайö воясö школаыс лыддыссьöма абу тырвийö шöр велöдчанінөн. А 15-öd номераөн Максаковкаса школа лоöма 1944-öd воö. Велöдчысьяслөн лыдыс сэки содöма 178 мортöдз.

Посёлөкын тшакгьяс моз быдмöмаöсь керкаяс, челяд лыдыс пыр содöма. Сыктыв берег дорын паськалома Наумовка грезд.

1952-öd воын «семилетка» вуджöдöмаöсь кык судтаа виль керкаö.



Вылыс Максаковкаса важ школа. Öни тайö керкаас посёлөкса администрация.

## «Коми Венеция»

Гырыс класса велöдчысьяс ветлывлöмаöсь велöдчыны Лесозаводса 6-öd номера школаö. Унаөн на казтылöны, кызди полөмпырыс котралöмаöсь велöдчыны бонаясті. А тулыснас тані гөгөр ставыс ойдлöма. Посёлөксö кытшавлöма ва. Ни школа, ни сад тайö кадö абу уджалöма. Посёлөкыс тулыс-ар артмылöма аслыспөлöс «Венеция». Быть сэсяя ковмылöма вочасөн кыпöдны виль оланін бурджык инö: Улыс Максаковкасянь неылö, джуджыд кыр йылö.

1951-öd вося ноябрö джуджыд кырвывса пожöма ягын сулалöма нин нель патераа 6 керка. Но Улыс Максаковка олома тыр оломөн на. Уджалöма шпалозавод, пилорама, такелаж да уна мукöдгор.

1954-öd воö 10 велöдчыс мунöмаöсь медводдза классö Вылыс Максаковкаса школаö, кодöс вöсьтöмаöсь олан керкаö. Мукöд челядыс ветлöмаöсь на Улыс Максаковкаса велöдчанінö. Куим во чöж на том войтыр котралöмаöсь клубö Улыс Максаковкаö.

**А. Моисеевлөн казтылöмысь:**  
«Ме агдзылі уна школа США-ысь, Швейцарияысь, Германияысь, но татшöм уджачлун да шаньлунсö некытысь эг казявы...»





*Н.А.Попова, М.Н.Нагуткина,  
Т.Н.Верховцева, А.И.Осипова,  
Р.А.Присягина, В.В.Холопова, О.А.Боброва,  
В.А.Смолев, Л.А.Смолева, М.З.Арихина.*

## ВЫЛЬ МӨВП - ВЫЛЬ ПОСЁЛОК

Вылыс Максаковка өдйө кыпөдчөма. Ньюжалөмаось выль уличаяс: Лымъя, Вөркылөдан, Ыджыд, Красноборской. А сентябрь 1957-өд воө Максаковкаын вощьөма 280 морт вылө 8 класса школа. Улөспартияссө ваялөмаось Красной Гөрасянь. Школа вощьтгөн дасьтылөмаось кыпд митинг. А вощьтөма митингсө партия котырлөн секретар А.П.Торлопов. Директорнас выль школаын буретш вөлөма Л.А.Смолева. Улыс Максаковкаын кольлөма 15-өд номера школалөн филиал, детсад да ясли.

Сэссия Вылыс Максаковкаын вощьөма нөшта өти школа - өтуволанін вылө кыпөдөм керкаын. Ичөт жыръясын велөдчөмаось 38-45 мортөдз, 2-3 паралель.

1980-өд воын Улыс Максаковкасө, кыдзи торъя посёлөкөс, «официальной» тупкөмаось. Но керкаяс суалөмаось сэни дыр на, и олысыяс кольлөмаось.

## Школа олө, водзмөстчө, сөвмө...

1970-өд воө Вылыс Максаковкаын вощьөма 640 велөдчысь вылө кирпичысь куим судтаа школа. Проект серти тайө вөлөма көкъямыс класса велөдчанін. Ичөт классаяс кольлөмаось важ школаө. 1980-өд воө ичөт класса велөдчанінсө тупкөмаось. Велөдчөмаось сэссия кык сменаөн. 90-өд воясө бөр вуджөмаось өти смена вылө.

Өни Максаковкаса школаын 9 класс ичөт нывзонлөн да 12 класс гырысь велөдчысьяслөн. Таво кежлө тані зильө 400 велөдчысь. Школа бердын уджалө тшөтш и содтөд төдөмлун сетан шөрин. Эм сідз шусяна «продлөнка», челядь ветлөны уна сикас секция-кружокө.

## «Велөдлөм став сьөлөмсянь»

Вөвлөм велөдысь Лидия Александровна Гулявалөн казтьылөмысь: «1946 воын педучилище помалөм бөрын миянөс (Л.А.Гуляеваөс (Смолеваөс), Т.В.Брызгинаөс (Лебедеваөс) индिसны уджавны Улыс Максаковкаса школаө. Уджаліс нин сэни Мария Фатеевна Буянова. Менам классын вөлі 7-12 арөса 37 ныв-зон. Унджыкыслөн паськөмыс косясьлөм, уна дөмаса. Уналөн и эз вөв батысь. Но челядьыс

көсйисны велөдчыны, а ми - найөс велөдны. Тшөкыда эг гөгөрволөй налысь кывсө (немечьяс, полякъяс), а найө - миянлысь. Некутшөм велөдан методика сэки эз вөв, кыдзи кужим, сідзи и велөдлөм.

Урокъяс бөрын челядь ветлісны гортас сөйыштны, а сэссия волісны бөр школаө, көні ми накөд пуктылім спектакляс, велөдлөм сьыланкывъяс, лыддысим өтвылысь. Отсасим гырысьяслы вөр кылөдан уджын.

1955-өд воын ме бара локті тайө школаө, кытчө менө индисны уджавны директорөн. Велөдысьяслөн котыр зэв топыда ёртасис: школаса завуч, төлка да пыдди пуктана велөдысь, Мария Николаевна Нагуткина, роч кыв да литература велөдысь Татьяна Николаевна Верховцева, математикъяс - Анна Поливарда да Мария Захаровна Арихина, немеч кыв велөдысь Ольга Афанасьевна Боброва, ичөт класса велөдысьяс - М.П.Торлопова, В.В.Холопова, Н.А.Попова, А.Нагибарова, В.А.Смолев. И весиг пелькөдчысь Е.К.Болендерөс тані пыдди пуктисны велөдысьясөс моз жө».



## Директоръяс:

Медводдза директорөн вөлөма Агния Ивановна Осипова. Сы бөрын веськөдлөмаось Л.А.Гуляева, И.И.Степанов, А.Безносиков. 1970-72-өд воясө - Виктор Михайлович Шишков.

1972-81-өд воясө М.И. Кун.

1981-86-өд воясө - Л.Ф.Фёдорова.

1986-93-өд воясө - Е.Ф.Бушуев.

1993-2006-өд воясө - Светлана Николаевна Русецкая.

2006-өд восянь өнөдз - Зоя Ивановна Дармова.



Өнйя школа.





Вылыс Максаковкаса 15 номера школаён юрнуөдö Зоя Ивановна ДАРМОВА. 2006-өд воөдз сетöма төдöмлун ичөт класса велöдчысьяслы, а сэсся босьтчöма веськöдлыны ставнас школаён. Ачыс зэв кывкутысь морт. Урокъяс вылас сьлөн пыр вөлöма чөв-лөнъ.

## «Эн вунöдöй чужан школатö»



Велöдысь кужö аддзыны öти кыв бать-мамкöд. Зоя Ивановна - школаын зэв вежавидзись көзьяка. Буретш Зоя Ивановна ышöдöма уджалысьясöс пуктыны школа йөрö уна дзоридз да быдмөг. Школа-са олöмын нинöм бокö оз коль сьлөн сюсь синмысь - ставсö төдö да кутö төд вылын, кыз шуласны, веськöдлан «вöжжисö» оз личöдды.

Прöст кадö радейтö ветлыны ыли муястi, а тшöтш и спортö пырöдчö: тшöкыда ветлö бассейнö.

### **Зоя Ивановна ДАРМОВА:**

- Окота, мед велöдысьяслөн котыр пыр водзмöст-чис. Челядь мед зилсны босьтны зумыг төдöмлун. Школалы сиа сөвмыны-быдмыны да дзоридзавны, кольны посёлок олöмын медшөр шөринөн. А школа пома-лысьяс мед некор эз вунöдны чужан велöдчанiн.

**Быдөнлы төдса, мый директорлы ыджыд школаын быть колöны отсасьяс-яс - сийöс вежысьяс. Кодкө велöдан уджын зильö, кодкө воспитательной удж нуөдö, а тшöтш и школаса көзьяйство бöрся колö кывкутны.**

## Сьöлöмсянныс зильöны да кывкутöны



Вылыс Максаковка посёлокса 15 номера школаын директорлы велöдан уджын (гырысь классьясын) отсасьö **Ирина Николаевна КЕРЕЦМАН**. Ачыс чужлöма Сык-тыв районса Визиңдорын. Помавлöма Сыктывкарса кан-му университетысь финн-йöгра факультет. Быд лун во-львлö сетны төдöмлун юркарбердса Лесозаводысь. Шко-лаын зильö 15 во, завучөн - 2011 восянь. Ирина Никола-евна тшöтш нуөдö 8-9 класса ныв-зонлы коми кыв урок.

Завучлөн уджыс юр выв тыр: колö урокъяслысь рас-писание лöсьöдны-тэчны, велöдчан план гижны, ГИА да ЕГЭ кежлö став коланасö дасьтыны. Зэв нимкодъ, мый велöдысьяскөд сөвещание нуөдны заводитчигөн Ирина Николаевна шыасьö комиён: «Видза оланныд, уджъ-ёртъяс!»

### **Ирина Николаевна КЕРЕЦМАН:**

- Зэв уна документа-кабалаа уджыс, но сьтöг некыдз жö. А коми кывтö нинöм дорысь ве-лöдöны на. Дерт, эмöсь броткысь челядьыг да бать-мамыг. Но урок вылаг локтöны весиг «дво-ечникъяс», кодъяс мукöг уроксö гуляйтöны, а коми кыв вылö пырöны. Сигзсö öг миян челядь-ыг зэв шаньöсь. Школалысь тшупöда пас пас-йигөн сиа налы бура велöдчыны да кывзысьны.

Воспитательной удж кузя директорос вежө **Марина Владимировна КУЛЕНОК**. 1988-öd воö локтöма история велöдысьөн Максаковкаса школаö Архангельск обласьтса Северодвинскысь. Ичöтсьяныс пыр көсьöма лоны велöдысьөн, сы вöсна мый классөн веськöдлысьыс зэв шань да бур велöдысьөн вöлöма.

Школаын быд гаж-праздник да аддзысьлөм кежлö дасьтысьöм понда кывкутö Марина Владимировна. Завуч аттьöалö челядьлысь бать-мамсö школалы отсасьöмысь: зэв пö зильöсь да водзмöстчысьöсь.

Посёлöкын зэв пыдди пуктана морт.

А нöшта Марина Владимировна казтьывлö да кутö тöд вылас школа помалысьяслысь ним-овсö.

### **Марина Владимировна КУЛЕНОК:**

- Школатöг ассьым олöмöс ог аддзы, кыз шуласны, сийö менам мöд горт. Ме серти, лёк велöдчысьясыг абуöсь, эмöсь сöмын сэтшиöмъяс, коглы колö мыйöнкö отсавны. Быд кага - енбуа, колö кужны аддзыны да сөвмöдны сийöс. Ёна радейта уджъертъясöс, челядьöс, налысь бать-мамсö да вöвлöм велöдчысьясöс. Сиа быдöнлы дзоньвидзалун.



Школаса көзяйство понда кывкутö **Татьяна Дмитриевна ХАТАНЗЕЙСКАЯ**. Ачыс тшöтш помавлöма татчöс школа. Авъя да рам ань, ставсö вöчö сёлöмсьяныс: и стрöйба дзоньталöм, и шоныд сетöм, и бийыс видзчысьöм - ставсö кыскö аслас пельпом вылын Татьяна Дмитриевна. Пыр сетас отсöг, некор оз öткажит.

**Элеонора Геннадьевна МАМОНТОВА** вежö директорос велöдан уджин (ичöt классьясын), а тшöтш и сетö тöдöмлун дзюлюкьяслы. Öнi сылөн 3 «б» класс. Ачыс чужлöма Сыктывкарын. Школаын уджалö 1997 восянь, а завучөн - 2009-öдсянь. Кольöм во босьтöма содтöд тöдöмлун «Менеджмент в образовании» нырвизь серти. Бур уджысь велöдысьлөн чукöрмöма нин вель уна почёт грамота.

Ичöt класса велöдысьяскöд öтув Элеонора Геннадьевна зильö сөвмöдны-выльмöдны велöдан удж, а тшöтш и дасьтö урокьяслысь расписание да уджалан план. Ёна радейтö ассьыс уджсö.

Прöст кадсö велöдысь колялö семьяыскöд, кысьö да лыддысьö. Пыдди пуктö йöзын шаньлун, веськыдлун, öта-мöдöс гöгөрвоом да радейтöм. Буретш тайö ставсö Элеонора Геннадьевна зильö чужтыны челядь сьölöмъясын.





**Ыджыд юкөн школаын босьтоны ичот класса велодысьяс. Садыйсь петом дзюлюкөс найо вочаалоны школаын, велодоны гижны-лыддысьны, артасьны, ёртасьны, а сэсся нин мододоны ассыныс быдтаснысө верстыджык олөмө - гырысьджык классьясө.**

# Дзюлюкьяслы - подув төдөмлун

Веськөдлө ичот классалон методобьединениеон **Элина Валерьевна ГАБОВА**. Сийо пункт уна вын, медым велодысьяс вермисны содтыны ассыныс төдөмлунсө, кужомлун-сямсө, а тшөтш и томджык ёртьяссө тао велодисны. Сюся видзөдө и сы бөрся, медым ичот классьясын некутшөм мытшөд эз ло. Велодысьяс ёна уджалоны челядлон бать-мамкөд, короны насянь вермана отсөг, а тшөтш и ышөдөны пырөдчыны быдсикас отувья гаж-ордысьомө. Ичот классьяс асывнас велөдчоны, а пажын бөрын налөн заводитчоны кружок-секцияс.

Элина Валерьевна 23 во нин уджалө тайо школаас. Медводдза номера педучилище гөрд дипломон помалөм бөрын локтөма татчө. Сэсся нин заочнөя помалөма КГПИ. Велодысьон лоны көсийомыс чужома ичөтдырийыс. Таво велодысьлон вуджө шөр школао витөд выпуск.

- *Быд класс торьялө, -* висьталө велодысь. - *Гашкө, та вөсна и кажитчө школаас уджыс. Он төд, мый тэнө виччысьө. Ичот челядькөд ме и ачым велөдча, быдма накөд өттишөтш. Пукта накөд ачымөс кызди ыджыдджык ёрт, зия вочавидзны став юалөм вылас, уна вын пукта челядлысь гзоньвидзалунсө совмөдөм вылө.*

**Лидия Изосимовна ТКАЧЕНКОЛОН** таво 1 «а» класс. Посни челядькөд уджыс анылы пыр кажитчылөма. Вужьяснас сийо Куломдін районса Лопьявадысь. Сыктывкарса медводдза номера педучилище помалөм бөрын заводитөма уджавны ичөтъяскөд.

2005 воын ань локтөма овны-уджавны Максаковкао. Оти во зильома челядь садыйн, а сэсся пырөма школао.

Аслас уджыс велодысьлы кажитчө. А кажитчө кө, сідзкө, и ставыс артмө. Классыс ёртасьясь, унатор вөчны көсийысь да быдторсө кужысь.

- *Уджос бөрийи сьолөм серти, -* висьталө Лидия Изосимовна. -



*Видзөдан быдмысь войтыр вылө, налөн синьясө, и окота мусө да васө бергөдны, медым сөмын налы бур вөли.*

1 «б» класс **Тамара Васильевна ДИКЛОН** веськөдлөм улын. Вужьяснас сийо Куломдін районса Лопьявадысь жө. 9 классын велөдчигөн нин төдөма, мый лоас ичөт класс велодысьон. Весиг велөдчан кадья запискаяс том мортлөн тадзи вөлөм гижөма.

Коми пединститут помалөм бөрын ветлөмаось верөсыскөд Архангельск обласьтө. А сэсся бөр локтөмаось, и со квайт во нин Тамара Дик велөдө Вылыс Максаковкаса школаын.

- *Челядькөд уджалгөн быд лун - аслыспөлөс, -* висьталө велодысь.

- *Накөд он вермы лоны пыр өткөдгөн. Дышөдчан кө, оз кутны кывзысьны. Менам эм ыджыд көсийом мыйөкө велөдны челядьос, эм вын. Ёна отсалоны уджын компьютер, интерактивнөй дөска, кодьяс сетоны выль позялуньяс. Та вөсна, чайта да, став гуся мөвпөй пөртсяс олөмө.*

Тамара Васильевналон семьяын радейтө спорт. Прөст кадө верөсыскөд да нлукукскөд окотапырысь журьялөны велосипедон, ислалөны лызьон.

**Лариса Викторовна ПОТАПОВА** татчөс морт, помавлөма Вылыс Максаковкаса школа. Сэсся босьтөма вылыс тшупөда төдөмлун Коми пединститутын да локтөма уджавны нин.

Челядь вөснаыс сьөлөмсяныс висьө. Сийө 2 «а» класслөн мод мам. Быдөнөс кывзас, ошкыштас, выдыштас, пункт уна вын, медым челядь бура велөдчисны. Оз кө артмы дзюлюкыслөн - кольөдлас урокьяс бөрын, содтөд занимайтчас-гөгөрвоөдас материал.

- *Велодысьлы колө лоны пыр мортон да быдторсө гөгөрвоысьон, унатор кужны-төдны, медым быдтасьясыг быд лун босьтисны выль төдөмлун, -* тадзи шуө Лариса Викторовна.

Дзюлюкьясөс гижны-лыддысьны да артасьны велөдө тшөтш **Надежда Александровна МАРТЮШЕВА**. Тайо школаын зильө сизимөд во. А сьөдз 1982 восянь уджавлөма Куломдін районса Югыдьяг посёлокын. Чужлөма Куломдін районса Немдінын. Ёна

радейтö ассъыс уджсö да челядьöс. Ставсö вöчö кывкутöмөн, оз пов пыртны уджö сiдз шусяна инновационнöй нырвизъяс. Велöдöмын став выльторсö зильö видлыны. Прöст кадсö коллялö семьяыскöд да дача вылас.

**Наталья Зейтуновна АХКОБЕКОВАЛÖН** 3 «а» класс. Велöдысь помавлöма татчöс школа. Сыктывкарса медводдза номера педучилище помалöм бöрын уджыштöма чужан школаас, а сэсся некымын во чöж уджалöма юркарса школа-садъясын. Содтöд профессия босьтöма экономистысь, помавлöма Вяткаса канму академия.

2011 воын бөр локтöма чужанi нас. Уджсö бöрийöма медводдза велöдысь Оксана Богдановна Долгополова вылö видзöдöмөн. Сы моз жö öнi велöдö ассъыс быдтасъяссö, уна вын пуктöмөн да став сёлöмсö сетöмөн.

Асьсö шуö стрöг велöдысьөн да челядьöс унатор вöчны тшöктысьöн. Гашкö, тайö и бур. Öд кызди ичöтсаянь велöдчан, сэтшöмөн и водзö вылö тöдöмлунъясыд лоасны.

Прöст кадö Наталья Зейтуновна ёна радейтö ноксыны дзоридзьясөн.

**Галина Николаевна ВОЛЧЕК** кывкутö 4 «а» класс понда. Ачыс Гöрд Затоньсы. Медводз помавлöма Сыктывкарса педучилище, сэсся Коми пединститут, и со 40 во нин уджалö школагын.

Распределение серти веськавлöма Кулöмдiн районса Югыдъяг посёлöкö. Куим во уджалöм бöрын локтöма Максаковкаö. И со 37 во нин танi. Сизим восö зильöма пионервожатöйөн, а сэсся ичöт класс велöдысьөн.

- *Ичöтсаянь көсiи лоны велöдысьөн, - шуö Галина Николаевна. - Пыр кажитчылiс кодсöкö велöдны. Школа уджсö сёлöмсянь радейта, но сэсся колö мунны, медым не уна аслым олыштны. Ме шуда, мый вöлiны интереснöй да творческöй классъяс, кодъяскöд котыртлим быдсикас гаж-конкурсö. Бать-мамыс челядьлөн прамöйöсь, пыр локтöны отсöг вылаг. Зэв ёна радейта и коми кыв, нимкодъпырысь кывза, кор кодкö челядь пивсь сёрнитö.*

Галина Николаевна народнöй просвещениеса отличник. 10 во нин ветлö сывны татчöс «Максаковочка» ансамбльö.



Максаковкаса 15 номера школын 14 во уджалö логопедөн **Людмила Никоновна КУРКИНА**. Ачыс чужлöма Украинаын, уджавлöма Луганск карса детсадiын логопедөн жö, но олöмыс вайöдöма миян республикаö.

Людмила Никоновна уджалö ичöт класса ныв-зонкöд. Веськöдö-бырöдö кагалысь сёрниын тырмытöмторъяс. Сы серти, колö пö эськö детсадiын нин нуöдны тайö уджсö, медым школаö челядь локтiсны нин бур да колана сёрнитанногөн.

- *Кагаыд кө омöля сёрнитö, оз колана ногөн шуав шыпасъяс, сiдзкö, и велöдчигас сьлөн лобны тшöтши тырмытöмторъяс: торъя нин лыддьысигөн да гижигөн, -* висталö Людмила Никоновна. - *Ме бөръя ичöт класса велöдчысьяс пöвстысь лёка сёрнитысь челядьöс да уджала накöд. И, дерт, нимкодъ, кор сэсся адгзан бурланьö вежсьöмъяс.*

## «История велöдö мöвпавны да сёрнитны»

Коймöд во школагын велöдö **Андрей Иванович ШТРЕМПЕЛ**. Том морт ачыс Кулöмдiн районса Югыдъяг посёлöкысь. Велöдчöма сэнi 9 классöдз. А 10-11 классъясас локтöма Максаковкаса ПТУ-ö велöдчыны. Сэсся босьтöмаось армияö. А сы бöрын пырöма велöдчыны заочнöя Сыктывкарса канму университетлөн история факультетö.

Велöдчигас на 3 во уджалöма Лöпъяовадын, сэсся Югыдъягын. Гöтырыс сэки уджалöма орчча Немдiн сиктас. Том семьялы торйөн овны ёна сьöкыд вöлöма. Та вöсна и шуöмаось мунны Максаковкаö уджавны. ПТУ-ын Андрей Ивановичöс виччысьöмаось нин. Нель во сэнi уджалöм бöрын велöдысь вуджöма татчöс школаö.

- *Историятö колö быдöнлы тöдны, - шуö Андрей Иванович. - Öд сiйö отсалö гөгöрвоны олöмсö. Челядькöд ми ёна сёрнитам, видзöдам фильмяс. Томуловс кора уна лыддьысьны. Öд быд кадколаст позö туювны-донъявны литература да история серти. История велöдö мöвпавны, кутишöмкö лöмторъяс öткодявны, гөгöрвоны веськöдлысьясöс, донъявны налысь вöчöмторсö.*

Медыджыд могнас аслас велöдöмын Андрей Штремпел лыддьö сiйöс, медым эськö босьтöм тöдöмлунъясыс отсалiсны челядьлы верстыö олöмас.





**Вылыс Максаковкаса 15 номера школын велөдчысьяс - Дмитрий Индюков, Иван Перевезенцев, Никита Цибульский да Иван Захаренков - окотпырысь пырөдчоны краеведение, экология, биология да география кузятуясян уджө. А чуйдис найөс та вылө география урок велөдысь Татьяна Александровна Цибульская. Зоньяслөн эмось нин бур шедөдөм-вермөмьяс.**

**ВОДЗМӨСТЧӨМ**



## Молодечьяс!

Мөд во нин асланыс уджъясьон найө пырөдчоны том туялысьяслөн «Старт в науку» карса конференцияө. Кольөм во Дима Индюков шедөдөма химия нырвизыын 1 места, а Ваня Перевезенцев - 1 места биология юкөнын.

Мөдысь жө нин томулов видлісны ассыныс вынъясьө республикаса юниоръяслы «Подрост» конкурсын. И тавося петкөдчөмныс - тыдалана: Дима босьтис 3 места, а Никита Цибульский - 2 места. Никита да Ваня Захаренко кольөм во пырөдчывлісны и республикаса содтөд төдөмлун сетысь учрежденияс пөвстын олимпиадаө. Никита лоис мөдөн, а Иван - медводдза места босьтысьон. Тавысь кындзи быд во зонъяс видлөны вынъясьө краеведениеысь республикаса олимпиадаын, «Земля - Отечество Коми» республикаса конференцияын. «Я - исследователь» республикаса научно-практической конференцияын таво Дима Индюков босьтөма 2 места, а Ваня Перевезенцев - 3 места.

Никита да Дима радейтөны и фотографируйтны. Тшөкыда пырөдчөны и карса конкурсысьө. Таво Никита шедөдөма 1 места, а Дима - 3 места. Кольөм во зонъяс петкөдчөмаось «Зелёный оазис» нима соцпроектъяс конкурсын. Найө вөзйөмаось, кыдзи бурджык мичмөдны быдмөгъясьон школаса 2 судтаысь рекреация. Сыктывкарын уджыс шедөдөма 1 места, а республикаын - коймөд.

Дмитрий Индюковлы сьблөм вылас ёна вооны экология да биология предметъяс. Велөдысьлөн



чайтөм серти, зонмысь вермас быдмыны бурдөдысь либө наукаын бур водзмөстчысь. Тавося олимпиадаын тайө предметъяс серти медводдза местаөз сьлөн балл джын сөмын абу и тырмөма, лоөма мөдөн.

Татьяна Александровна Цибульская уна вын пуктө, медым зонъяс ассыныс төдөмлуннысьө луннысь-лун содтисны. Та вылө найө пырөдчөны карса, республикаса да Россияса конференция-олимпиадаясьө. И унджыкысьсьө шедөдөны вылыс тшупода местаяс. Со и тайө вежонө найө мунісны Королёв карө «Созвездие-2014» став Россияса олимпиада вылө выль вермөмъясла. Молодечьяс!

**11 класс таво помалөны енбиа велөдчысьяс. Зэв ёртасьысь да кыпыд класс. Став классөн ныв-зон воывлөны театральнөй кружокө, нуөдөны школын став гажсө. Найө өтув велөдчөны, өтув венөны став мытшөдсө, но быдөнлөн эм аслас вермөм.**

## Нимөдөны чужан школа

Андрей Потапов - эз өтчыдысь вөв Коми Республикаса, Сыктывкарса сьбкыд атлетика кузят (паруэрифтінгын) чемпионөн.

Всеволод Паршуков - лызьөн котралөм кузят карса да республикаса призёр.

Андрей Гергемон - лызьөн котралөмын Коми Республикаса да Россияса чемпион.

Полина Бызова да Арина Павловская - «О, химия - ты муза вдохновения!» 2014 вося конкурслөн вермысьяс.

Арина Павловская зэв ёна виччысис, кор сылы лоө 18 ар, медым лоны донорөн.





**Бать-мам да пöль-пöч кок туйöдыс мунöма Елена Алексеевна ЗЫРЯНОВА. Школасö помавлöма эзысь медальöн. Сэсся пырöма велöдчыны Коми пединститутö физмат юкөнö.**

## «Пыр вöрны, сöвмыны да восьлавны водзлань!»

- Став олöмöй менам йитчöма компьютеръяскöд, - висьталіс Елена Алексеевна. - Велöда 18 во нин, гашкö, республикалöн быд пельöсын нин уджалі. Максаковка школын медводгза во на.

Елена Зырянова ёна радейтö путешествуитны, уналаын нин вöлöма. Сідзжö велöдö кывъяс. Радейтö йöктыны - 8 во нин асивыввса йöктöмъясын водзмöстчö, кажитчö сылы джаз-франк, джаз-бродвей, вакинг. Олöмас девизыс - «Пыр вöрны, сöвмыны да восьлавны водзлань!» Ассьыс тöдöмлунсö тырвийö сетöма нылыслы, коді помалöма «с отличием» америкаса вуз да босьтöма программистлысь профессия.

**Уна нималана туюлысь, философ ас кадö вылö донъявлісны математикалысь коланлунсö. Да и öні школаясын сійö медшöр предметъяс лыдын.**

# Сьöкыд, но колана математика

Вылыс Максаковкаса 15 номера школын математикаысь тöдöмлун сетöны куим велöдысь.

**Ирина Анатольевна ТЮРНИНАЛÖН** öтув велöдан стажыс 34 во, сылөн вылыс тшупöда категория. Нель выпуск нин сылөн чукöрмöма велöдан воясö. Ачыс чужлöма Луздор районса Леткаын.

- Челябинкöд окотапырысь уджала. Велöдысьнад сьöкыд лоны, но интереснö. Нимкодь, мый ныв-зон шедöдöны приза местаяс олимпиадаясын. Со 2007 воын Аня Зиновьева босьтліс 1 места республика тшупöдын. Школа помалöм бöрын унаöн пырöны вылыс тшупöда велöдчанінъясö. Сідзкö, миян школа налы - бур подув водзö велöдчöмын, - шуö Ирина Анатольевна.

**Валентина Евгеньевна МЕРКУРЬЕВА** 27 во нин велöдö математика предмет. Чужлöма сійö Удора районса Кривое сиктын. Ичöтсьяныс радейтлöма артасыны да задачаяс решайтны, а сэсся ёртъясыслы гөгөрвоодны вочакывсö. Та вöсна и школа помалöм бöрас пырöма велöдчыны Коми пединститутö. Сы бöрын распределение серти куим во велöдöма Перым кытшса Березникин, а сэсся локтöма бөр Коми муö. Петöма верöс сайö да овмöдчöмаось Максаковкаö.

Школаас уджыс Валентина Евгеньевнаы ёна кажитчö. Велöдчысьяс кывзöны, оз кө гөгөрвоны - юасьöны. Велöдысь пуктö уна вын математика радейтысь ныв-зонмö. Быд во накод пырöдчö олимпиадаясö. Унаöн томулов

пöвстысь мунöны велöдчыны Сыктывкарса физмат да технической лицейасö. Велöдысьлы нимкодь, мый вермис öзгыны налы математика дорö радейтöмсö.

Валентина Меркурьева гожöмъяснас гортас оз пукав. Водзтіджык пыр кутшöмкö походьясö ветлывлöма, волöма Белоруссияöдз, Байкалöдз. Öні радейтö мöдуясö ветлөмъяс, окота пö адзвыны, кыдзи мукöд войтырыс олöны.

30 во нин школын зильö математика предмет велöдысьöн **Валентина Изосимовна КОЗЛОВА.**

Ачыс тшöтш чужлöма-быдмылöма Максаковка посёлөкын, помавлöма татчос школа. Велöдчигас ёна кажитчылöма математика: окотапырысь пример-задачаяс решайтлöма. А вылыс тшупöда тöдöмлун босьтöма Вөлөгдаса пединститутын.

- Челябинкöд меным пыр везитліс, - шуö Валентина Изосимовна. - Ныв-зонмыд пыр бурöсь, мый öнія, мый 30 во сайын. Математикатö унджыкыс радейтöны. Школаысь тшупöда нас пасійгөн аслам уджёртъяслы сиа дзоньвидзалун, семьяын тыр-буролöм, а школы - водзö сöвмыны-нимавны.



**Максаковкаса 15-öd номера школаын филология юкёнын 9 велöдысь. Найö велöдöны роч кыв да литература, коми да англия кыв. Найö сетöны челядьлы зумыд тöдöмлун, быдтöны водзмöстчысь да творчества велöдчысьясöс.**

# Став сьöпöмсянь уджын

Кывъяс велöдысьяслön котырöн веськöдлö **Яна Владимировна СОБОЛЕВА**. Сійö - роч кыв да литература велöдысь. Максаковкаса 15 номера школа помавлöма 1983 воын. Сыктывкарса университет бöрын локтöма чужан школаö, босытчöма радейтана уджö.

*- Меным кажитчö уджавны школаын, öд адзан челядьлысь сöстöм, пöръясьтöм синьяссö. Посёлка челядьыг торйöн нин восьсаöсь, да и бать-мамнысö налысь тöдан. Унаöс на лыдысь ачым на велöдлi, -* висыталö Яна Владимировна.

Бур да кывкутана уджысь Яна Владимировнаöс пасйылöмаöсь уна почёт грамотаөн. Сійö зэв водзмöстчысь ань. Радейтö роч поэзия.

Сылön быдтасьясыс эз öтчыдысь вермывлыны лыддысьяслön карса конкурсын, сочинение гижöмын, наука туялöмын.

**Нина Юрьевна СИДОРЕНКО** велöдö роч кыв да литература. Чужлöма Воркутаса Хальмер-Ю посёлкын, шöр школа помавтöдз олöма Сыктыв районса Визингаын, помалöма Сыктывкарса университетын филология юкөн. Велöдан уджсö заводитöма Сосногорск районьыс Войвожса шöр школаын. Сэсся уджалöма роч кыв да суйöрсайса литература велöдысьöн Украинаса Полтавскöй обласьтын. 2002 воын локтöма



челядьыскöд Коми Республикаö. Сылön вылыс квалификация тшупöд. Вермылöма Полтавскöй обласьтлön Гадячскöй районса «Учитель года 1999» конкурсын. Бөръя воö Нина Юрьевнаöн быдтасьясыс нимкодмöдöны бур тöдöмлунöн роч кыв кузя ЕГЭ дырйи.

Нина Юрьевна - вылыс тшупöда специалист, ассьыс уджсö бура тöдысь да радейтысь, творчества велöдысь. Прöст кадö радейтö пусыны-пöжасьны, быдтыны дзоридзьяс.

**Юлия Николаевна АФАНАСЬЕВА** - роч кыв да литература ве-



зильö локны отсöг вылö быдöнлы. Сылön урокъяс дырйи пыр интереснö. Сы серти, челядь сійöс



лöдысь. 2006 воын сійö эзысь медальöн помавлöма Вылыс Максаковкаса 15 номера школа. Сыктывкарса университет бöрын 2011 воö локтöма уджавны чужан школаö.

Юлия Николаевна - водзмöстчысь велöдысь. Прöст кадö радейтö тюръявны велосипедөн, колявны кад нылуыскöд.

Англия кыв велöдö **Мария Алексеевна САЛАДИНА**. Максаковкаса школаын уджалö 2010 восянь. Зэв водзмöстчысь морт, сійöс пыдди пунктöны велöдчысьяс, а Мария Алексеевна став сьöлөмсяньыс радейтö найöс,

быд лун мыйöкö велöдöны. Ассьыс профессиясö пыдди пунктö, бөрйöма сійöс бура мөвпыштöмөн.

Прöст кадсö сийö семьяыслы, велöдчö Коми Республикаса Госслужба академияын.

**Ольга Николаевна ХОЛОПОВА** - тшöттш сетö тöдöмлун англия кывйысь. 2013 восянь уджалö танi. Көть и неважөн на велöдö, но сійöс пыдди пунктöны и велöдысьяс, и велöдчысьяс. Ольга Николаевна - творчества велöдысь. Сылön урокъяс дырйи ныв-зон окотапырысь пырöдчöны уджö, велöдöны англия кыв. Прöст кадö





ноксьö понйыскöд, лыддысьö, ветлöдлö бассейнö, аддзысьлö ёртгьясыскöд.

Коми кыв дорö муслун чужтö челядь сьёлöмгьясьö **Елена Михайловна КРЯЖЕВСКАЯ**. Ачыс чужлöма Удора районса Глотова сиктын. КГПИ помалом бöрын уджалöма чужан школаас коми кыв велöдысьöн, сы бöрын олöмыс вайöдöма юркарö, вит во зильöма журналистöн «Йöлöга» газетын. Зэв водзмöстчысь, кывкутысь, шань да енбиань. Зильö, медым челядь радейтисны да тöдисны чужан кыв. 2013 воын Елена Михайловна шедöдöма 3 места «Бур мөвп» республикаса конкурсын. Сийö водзмöстчö оз сöмын велöдöмын, но и школаса олöмын. Нöшта челядьöс велöдö мичаа сьывны, оз сöмын роч, но и коми сьыланкывгьяс.

- *Челядь дорö öдйö и велалi, весиг гаж бырö каникул дырйи*, - висьталö Елена Михайловна. - *Коми кывтö велöдны зэв интереснö, сöмын колö кужны ышöдны зонпосниöс.*

2013 восянь коми кыв татчöс школаын велöдö **Александра Васильевна ГАБОВА**. Ачыс Кörtкерöс районса Ыджыдвидз сиктсöветувса Выхлыб грездысь. Сийö кывкутöмөн дасьтысьö урокгьяс кежлö.

- *Сьöкыд гөгөрвоодны роч нывзонлы коми кывлысь коланлунсö, такöд и «тышкасям» урокысь урокö*, - юксьö Александра Васильевна. - *Быть ковмö ышöдны найöс ворсöм га быдсикас презентация петкöдлöм пыр.*

Александра Васильевна творчествоа велöдысь, радейтö ассьыс предметсö да нимкодьясьö, мый сийö коми морт. Прöст кадö кысьö бисерөн, вышивайтчö, гижö кывбурьяс.

**Марина Игоревна КОВРИГИНА** - роч кыв да литература велöдысь. Максаковкаса школаын уджалö 2013 восянь. Сылөн урокгьяс дырйи велöдчысьяс окотапырысь уджалöны, öд велöдысь кужö интереснöя котыртны удж, ышöдö радейтны чужан му, сöвмөдö ныв-зонлысь творчество.

Марина Игоревна - шань велöдысь. Котыртлö быдсяма экскурсия республика пасьта. Прöст кадö семьяыскöд радейтö ветлыны вөр-ваö, сьёлöмас воö испанскöй да лунвывса йöктöм, радейтö тöдмавлыны юржуглантор.



## Медбурсö - челядьлы

**Татьяна Александровна ЦИБУЛЬСКАЯ** 11 во нин Максаковкаса школаын велöдö география предмет. Сийö жö веськöдлö и школаса естествознание серти методобьединениеөн. Тайö кадколастнас ань уна ныв-зонмын вермис чужтыны чужан му динö радейтöм, туявны сылысь аслыспöлöслунсö, водзмöстчыны да дасьтыны чужаниннымöс сöвмөдöм-бурмөдöм могысь проектгьяс да уна мукöдтор. Сылөн быдтасьгьясыс тшöкыда пырöдчöны карса, республикаса да Россияса быдсикас конкурс-олимпиадаясьö, конференция-семинаргьясьö. И пöшти пыр шедöдöны вылыс тшупöда местаяс. Ачыс 2011 воын шедöдлöма республикаын медбур велöдысьлысь ним.

Татьяна Александровна Сыктыв районысь. Ёна радейтö велöдан предметсö, пыр босьтö содтöд тöдöмлун. Аслас анылөн нель челядь. И школаын на кымынён! Позьö шуны, мый быдён на пиысь пыдди пуктö сийöс.

Ачыс ань ёна радейтö Соколовкаын дачасö да Юкки нима кавказскöй овчаркасö. Радейтö снимайтчыны, а ассьыс уджгьяссö петкöдлö карса фотоконкурсгьясын.

Татьяна Александровна пыр школаын. Сылөн водзмöстчöмыс вуджö öтлаын уджалысьгьясыслы, ёртгьясыслы, велöдчысьгьясыслы да тшöтш и челядьыслы.

11 классöс таво верстыö олөмö лэдзö **Ольга Васильевна АЗАРОВА**. Тайö енбиа велöдысьлөн мөд выпуск нин. Ачыс чужлöма Кörtкерöс районса Мордін посёлөкын, школасö помавлöма эзысь медальөн. Семьяс уна велöдысь да бурдöдысь. Та вöсна

и водзö пырöма велöдчыны СГУ-са химия-биология факультетö, помалöма гöрд дипломөн. Сэсся локтöма уджавны Максаковкаö.

Став рöдвужыс виччысьöмаöсь, мый Ольга пырас аспирантураö. Но практика бöрын нылöс кыскöма школаö, челядь дорö. Уна вын пуктö школа уджö. И со тай - эмöсь нин ыджыд вермөмгьяс карса да республикаса конкурсгьясын.

**Наталья Георгиевна СТАРЦЕВА** Максаковкаса шöр школаын велöдö физика да астрономия предметгьяс. Уджалан стажыс 46 во. Вужгьяснас сийö Луздор районса Спаспорубысь. Ичöтсаяньыс велалöма быд уджö пуктыны уна вын да вайöдны заводитöмторсö помöдз. Тайö ёна отсалöма анылы верстыö олөмас. Та могысь жö улöдз копытчö аслас чужан школаын велöдысьгьяслы. Асланыс школаса 10 классöдзыс абу велöдмаöсь, та вöсна ковмöма велöдчыны-овны орчча сиктса интернатын. Тани жö сылы ёна кажитчöма велöдны физика предмет. Тайö сэсся и лөма сылөн олөмыслөн аслыссикас сюрöсөн. Пырöма Коми пединститутö. Велöдчöмсö помалöм бöрас 11 во уджалöма Абыячойын. Сэсся локтöма Максаковкаса школаö.

Наталья Георгиевна ёна радейтö пырöдчыны спортö. Томдырйиыс гимнастикакөд ёртгьясьöма, öнi тшöкыда сувтлö лыжи вылö, ветлö бассейнö уявны. Тагысь кындзи аддзö кад сьывны «Сударушка» хорын да немеч автономиялөн «Эдельштайн» котырын. Кольöм во немечгьясыдкөд весиг мойвиöма ветлыны Германияса Оффенбургö.






**Антонина Александровна ДАРМОВА** уджало соцпедагогн. 2002 восянь сийо зильо Максаковкаса 15 номера школаын. Помавлома Сыктывкарса университетын психология да социальной удж юкн.

Антонина Александровна уджало сьокыд челядькөд, идортөм оласнога семьясын быдысь ныв-зонкөд. Сылон уджыс сьокыд, но зэв колана. Ачыс шань, нюмбана, радейтө челядьбөс да ассыс уджсө. Прөст кадө пусь-пөжась, кажитчө подон ветлом.

\* \* \*



ИЗО да черчение Максаковкаса школаын велөдө **Олег Николаевич ЮЖИН**. Чужлома Удора районса Коптюгаын. 1986 воын педучилище помалом борын локтөма уджавны школаө. Радейтө лыддысьны, чери кыйны, серпасасыны. Сылон серпасысыс мичмөдоны школаса стенъяс. Олег Николаевич - водзмөстчысь, шань сьолома да интеллигентной морт.



*Тодса, мый быд школаын эм аслас традиция. Вылыс Максаковка посёлкса 15 номера школаын быд гаж да аддзысьлом вель кыпыда кольлывлө.*

## Кужöны гажöдчыны

Сентябрь медводза лунö школаө чукормывлöны оз сöмын велöдысь-велöдчысьяс да батьмам, но и посёлкса унджык олысьыс. Öти кывйöн, гажöдчöны став посёлкөн.

Шойччан лунъясö школаын овлывлöны ордысьсöмъяс, конкурсьяс, ворсöмъяс. Челядь батьмамкөд öтүв дасьтöны презентацияс уна сикас тема серти. Боръясьсö татшöмыс вöлөма «Увлечения моей мамы», «Спорт в моей семье» да «Пионерский галстук в моей семье» нимъяс улын.

Сочиын Олимпиада мунигөн татчöс школаын тшöтш нуöдöмаöсь ордысьсöмъяс. Айму дорйысьяслөн лунö кежлö быд во мунö «Будущий воин» ордысьсöм, а донъялöны вермысьясöс армияысь локтөм зонъяс.

Быд во Победа лун водзвылын школаын дасьтылöны ветеранъяслы да тылса уджалысьяслы «В кругу друзей» аддзысьлом. А май 7 лунö ыджыд Вермöмлы сийны котöртöм-ордысьсöм. Школаса велöдчысьяс кындзи татчö тшöтш пырöдчылöны Вылыс Максаковкаса автомеханической техникумысь студентъяс.

Ыджыд удж тані нуöдоны школалысь да посёлкыль история туялöмкөд йитöдын. Быд во дасьтылöны коми кывлы сийм вежонъяс.

Зэв аслыспөлöса пасйöны татчöс школаын Выль вося гаж. Сидз шу-



сына утренникъяс дышöдöма нин ставлы. Воöма мөвп быд во сины гажсö төвкөд йитчöм мойдъяскөд. Шуам, со тавосясö сиймаöсь «Двенадцать месяцев» мойдлы. Челядь медводз ставныс лыддылöны сийс, мичмөдоны-баситöны школа пытшсö да тшöтш и йöрсö, дасьтöны викторинаяс, сценавывса петкөдчöмъяс, костюмъяс. Быд класслы вичмөма öти төлысьон, ковмөма кызкө петкөддыны сийс. А кольöм во сиймаöсь Виль восö «Снежная королева» мойдлы.

Школалөн 75 вося тшупöда пас кежлö ёна жö дасьтысьмаöсь. Велöдысьяс, велöдчысьяс да налөн батьмам öтүв зильöны «Нам-75» школапытшса проектн. Татчö пырö и сочинение гижöм, и кывбур велöдöм, и уна сикас выставка да акция. Юбилей водзын школаын дасьтылöмаöсь «День открытых

дверей». И дерт жö, быдöнös, кодлөн олöмыс йитчöма Вылыс Максаковкаса 15 номера школакөд, виччысьöны тшупöда паса концерт вылö.

Воспитательной удж кузя директорös вежысь Марина Владимировна Куленок аттьöалö уна сикас гаж дасьтыны отсасысьяссö: медводз батьмамös да челядьбös, а тшöтш и попечительяслөн советö пырысьяссö: Госсоветса депутатъяс Татьяна Саладинаös да Надежда Дорофееваös, Александр Нестеровös, ас вылö уджалысьяссöс - Иван Михайлович Габовös, Владимир Николаевич Екимовс, Иван Иванович Головкинös, а тшöтш и вöвлөм выпускницаяссöс - Александра Николаевна Кулаковаös да Марина Александровна Афанасьеваös. Натöг пö эськө вель сьокыд вöли нуöдны школаса гажъяс, позьö шуны - некызд.





## ЕНБИ

Максаковкаса школа бердын 1991 восянь уджалö челядьлы содтöд тöдöмлун сетан шöрин. Дерт, та дыра каднад унатор мый вежсис. Татчöс велöдысьяс унатор тöдöны да быдторсö кужöны вöчны.

## Сöмын эн дышöдчы да водзмöстчы



Веськöдлö шöринөн **Лидия Васильевна СТАРИКОВА**. Водзмöстчысь да быдöнöс гөгөрвоысь морт. Челядькөд сийö кысьö нёрйысь. Уджъяснас томулов пырöдчöны быдсикас конкурсö да тшöкыда шедöдöны приза местаяс. Ас киён вöчöмторъястö абу яндзим и козьнавны школаö да шöринö волысь гөсьтьяслы. Нöшта Лидия Васильевна уджалö школаын технология велöдысьөн. Кысьыны, серпасасьны, вöчасьны да вундасьны пу вывтi

ныв-зонмöс велöдöны **Елена Вигальевна РАСОВА**, **Людмила Николаевна ТОРЛОПОВА** да **Роман Ен-Секович СОН**. Велöдысьяс быдсяма шензьöданаторсö вермасны мөвпыштны. Таö жö чуйдöны и быдмысь войтырöс.

Съывны-йöктыны да ворсны сцена вылын челядьöс велöдöны **Наталья Николаевна ГАЛИЦКАЯ**, **Елена Николаевна КОРЗНИКОВА** да **Марина Витальевна КОМУШЕВА**.

Спорт радейтны да лоны

дзоньвидзаён ныв-зонлы отсалöны велöдысьяс жö. Волейбол-баскетболысь, бурдöдчан физкультурайысь да шейпингысь бур тöдöмлун сетöны **Наталья Геннадьевна СНЕГИРЁВА**, **Александр Николаевич КОЗЛОВ** да **Оксана Петровна НАЗАРОВА**. Налысь быдтасьяссö вылö донъялöма уна сикас карса да республикаса ордыбьсьöмын.

Туясын уджын нырччыны ныв-зонлы отсалöны **Татьяна Александровна ЦИБУЛЬСКАЯ** да **Елена Алексеевна ЗЫРЯНОВА**. Налён водзмöстчöмөн челядь тöдмасьöны да велöдчöны сьёлöмсяньыс радейтны чужанму, уджавны информационнöй технологияс отсөгөн колана проектъяс вылын, пырöдчöны уна сикас конференция-семинарас.

Содтöд тöдöмлун сетан шöриньсь уджалысьяс да быдмысь войтыр окотапырысь пырöдчöны и посёлөкса олöмö. Налён зильöмөн гажаа колöны татчöс олысьясы котыртöм гажъяс, акцияс. Найö жö водзмöстчöны да корöны уджык войтырöс пырöдчыны творческöй да спорткөд йитчöм олöмö.

Позьö шуны, мый Максаковкаын олысь томуловлы мойвиис, мый эм татшöм бур да унатор сетысь шöрин, көнi зильöны шань да восьса сьёлöма велöдысьяс. Кыдзи шуласны, сöмын эн дышöдчы да водзмöстчы, сөвмөд ассьыд енбитö водзö.

## Кипод уджтöгыд некыдз

Максаковкаса зонъясöс кипод уджö велöдö **Роман Ен-Секович СОН**. 5 классянь 11-öдз сийö нудö технология урок. Школаын уджалö 1981 восянь.

- Труд урок дырйи 5 классаяс кокни удж вöчöны, а сөсся вочасөн пыр сьöкыдджыкө кутчысьöны. Со 7-8 классаяс пуысь ичöтик керка нин кужöны вöчны. Гырысь классаясысь зонъяс вöчисны весиг пöжарнöй каланча. Тайö налён аслысплöс творчества проект, - висьталö велöдысь.

Роман Ен-Секович быдтасьяссыскөд тшöкыда пырöдчöны быдсяма конкурс-выставкаö, шедöдöны приза местаяс. Абу дивö, öд школаса труд кабинетын мыйыс сöмын абу челядьлөн уджысь - ставсö вöчöма ас киён. Кипода велöдысьыдлөн - кипода жö и велöдчысьяс.



## Спорттö колö радейтны

**Оксана Петровна НАЗАРОВА** Максаковкаса шöр школайн нуöдö физкультура урок. Чужлöма сийö Сыктывкарын. Бать-мамыслöн вöлöмаöсь куимöн, ёна радейтлöмаöсь купайтчыны да вавывса туризмö пырöдчыны. Помалöма юркарса 1 номера школа, сэсса 1 номера педучилище. Сы бöрын босьтöма физкультура да спорткöд йитчöм тöдöмлун Сыктывкарса канму университетын.



Варчыны радейтöм вайöдöма зиль нывкаöс ыджыд вермöмгясöдз. 1 взрöслöй разряд сийö шедöдöма 10 арöсын нин, спортса мастерö кандидатлысь - 12 арöсын, а спортса мастерöн лöма 14 да джынйын нин. 1987 воын Грузияса Хобби карын ёртгясыскöд эстафетайн лöмаöсь СССР-са чемпионгясöн, 1987-91 воясын войтыркостса чемпионатгясын призёргясöн, унаысь вöлöма и Коми муса чемпионкаöн, рекордсменкаöн. Дыр кад чöж вöлöма Республикаса да Рыгив-Войвыв кытшгясса сборнойын, уна сикас ордысьöмöн кытшовтöма СССР-ö пырысь став республикасö.

1991 воын сийö заводитöма уджавны высшöй спортивной мастерство школайн тренерöн, а 1996 воö локтöма Максаковкаса школаö. Ань пыр кутö асьсö колана спортивной формаын: окотапырысь варччö, ворсö волейболысь да пызаныввса теннисысь, котралö лызыöн. Сылöн быдтасгяс повстысь унаöн лоины физкультура велöдысьясöн.

Физкультура радейтны ныв-зонмöс велöдö и **Наталья Геннадьевна СНЕГИРЁВА**. Ачыс спорттöгыд овны оз вермы, пыр мыйынкö водзмöстчö. Тшöкыда пырöдчö конкурс-соревнованиеясö, зильö, мед челядь лоины дзоньвидазöсь, вынаöсь да олöм радейтысьсь. Оз кольчы бокö и школа олöмысь. Став прöст кадсö колялö гортас семьяыскöд.

Ёна водзмöстчö спортын физкультура велöдысь **Александр Николаевич КОЗЛОВ**. 1991 воын помавлöма Вöлөгдаса пединститут да тайö жö воын локтöма чужан школаас велöдны. Кывкутысь, зиль,



веськыда сёрнитысь да шмонитны кужысь морт нуöдö томуровлы секцияяс. А челядь окотапырысь вольвлöны ворсны. Ачыс медгёна радейтö баскетболысь ворсны, гырысьджык томуровöс велöдö вермасыны, тшöкыда котырлö и быдсикас аддзысьлöм-ордысьöмсö. Александр Николаевичлöн командагясыс пыр вермысьяс лыдын.

## КОЛАНА УДЖ

**Надежда Николаевна ИНДЮКОВА** школайн нуöдö колана удж - лöсьöдö школаса музей. Медым öнйя велöдчысьяс тöдöсны чужан школалысь артмöм, кутшöм нималана йöз танй велöдчысны, кымын выпуск вöлöма да уна-унатор - та серти озыр материал позьö нин адзыны школайслöн стендгясысь.

## Важсö колö видзны

- Тайö стендыс сйöма выпускникгясы, коггяс пöгибнитисны сийö либö мöг тышын, а со танй тыдалöны спортын водзмöстчысь ныв-зон. Танй - нималана выпускникгяс. На лыдын Коми Республикаса вöвлöм Юралысь Владимир Торлопов, - висьталö Надежда Николаевна.



Мöвпыс лöсьöдны школаса музей чужöма неважöн на. Öти воон лои чукöртöма озыр материал. Нимкодь, мый школаса библиотекаын меститчöма коми культуракöд йитчöм пельöс. Важся öбразгяс, коми паськöм, эмбур. Кытысь быдмысь войтыр аддзасны татшöмторсö öнйя кадö, оз кö музейысь? Надежда Николаевна шуö, ёна пö отсалисны сиктса йöзыс чукöртны колана эмбур, кодöн мый эм.

- Челядь нимкодьпырысь вольвлöны музейö. Пыр юасьöны, эг-ö мыйкö вильтор вай. Неважöн 6 классакöд пырöдчим конкурсö, кöни колис петкöдлыны кутшöмкö музейса экспонат. Ми бöрйим бöжник (ки чышкöд). Медводдзасысь пырöдчылим татшöм-сына конкурсас, чайта, и водзö кутам водзмöстчыны, - шуö Надежда Николаевна.

Неважöн школаö воöма ОБЖ предмет велöдысь, зэв шань да ыджыд вежöра **Иван Валентинович ДОРОШЕВ**. Ачыс Сыктывкарысь. Медводдза лунсянысь сийö пырöдчöма школаса олöмö. Öнй мужичöй велöдö ОБЖ да вежö директорöс техника безопасносгьт серти. Кужö сёрнитны, аддзыны челядькöд öти кыв. А найö пыдди пуктöны да радейтöны асынысь велöдысьсö.







## Дзоридзав, муса школа!

Олеся Иевлева велөдчылөма татчөс школын жö. Öнi уджалö танi секретарöн. Чужан школын велөдчöмсö пыр на казь-тылö.

- *Классöн веськöдлысьöн мян вöли Валентина Изосимовна Козлова, шань да тöлка велöдысь. Аттьö став велöдысьлы бур тöдöмлун сетöмысь. Школын велöдчан каттö некор он вунöд. Öкмысöд класс помалi 2005 воын. Неважöн паньдасылi öти классын велöдчысьяскöд да казьтылiм школадырся олöм. Гажа каг сэки вöли. Сиа гона школалы водзö сöвмыны да медым челядь нимöдiсны сiйöс быд сикас олимпиада-конкурсын, - висьталö Олеся.*

## Натöг школын некыдз!

Ёна велөдчигад колö уна да пötöса сёйны. Максакровка-ска школалöн столöвöйын пусьöны-пöжасыöны: Елизавета Белецкая - сёянiнöн веськöдлысь, Александр Гутьяр, Екатерина Ермолаева, Эльвира Тарабукина, Юлия Нагиева - пöварьяс, Екатерина Елькина да Людмила Паршукова - тасытi-пань мыськалöны. Аттьö налы пöсь шыдысь, чöскыд рокысь да юмов пöжасысь.

Школаса пöрччсыянынын уджалöны Лариса Афанасьева, Надежда Чепуренко, велөдчанiнлысь сöстöмлун видзöны, быд пельöс пелькöдöны Светлана Лобанова, Елена Морозова, Надежда Попова, Анастасия Пунегова, Светлана Размыслова, Татьяна Цибульская, дзоньтасын удж вöчöны Николай Жиглов, Владимир Савельев, стöрöжалöны Александра Огнева, Максим Сидоренко, Валерий Шепеленко, дворникöн уджалö Александр Шпицер. Челядьлöн дзоньвидзалун понда тöждысьö Ирина Викторовна Никулина.



Школаса библиотекаын зильö да тшöтш и обществознание нуöдö **Виктория Владимировна КРАСНОПИСЦЕВА**. Школаса быд гаж-аддзысьлөмö пырöдчö, ёна отсасьö. Тшöкыда библиотекаын нуöдö урокьяс. Ёна лыддысьö, радейтö варччыны бассейнын. Зэв рам да вежавидзысь ань.

«Коми йöзöдчан керка»  
Коми Республикаса  
автономнöй учреждение.

**Веськöдлысь**  
**Н.Н.БЫКОВСКАЯ**  
Гл.редактор  
**Г.В.МАКАРОВА**



Газет паньсы:  
Печать да юөр сетан Коми  
Республикаса агентство.  
Регистрируйтöма  
2007 вося ноябрь 28 лунö  
йöзлы юөр сетöм да  
культураса озырлун видзöм  
кузя оланпасьяс  
збыльмöдöм бöрся  
видзöдысь федеральнöй  
службалöн Беломорской  
управлениеын.  
Регистрируйтан пас:  
ПИ №ФС 3-0686.  
Социальнöй тöдчанлуна  
гижöдьясьö йöзöдöма «Коми  
йöзöдчан керка» автономнöй  
учреждениеылы печать да юөр  
сетан КР-са агентствöн  
вичмöдöм сьöм вылö.



**Редакциялөн адрес:**  
167982, Сыктывкар,  
К.Маркс улица,  
229-öd керка,  
401-402 кабинетьяс.  
Тел. 24-12-22, 24-36-49.  
E-mail: Yoloha@mail.ru



**Редакцияын  
уджалысьяс:**  
том йöзлөн мытшöдьяс  
юкөнөн веськöдлысь –  
Надежда Пунегова;  
письмö юкөнөн  
веськöдлысь –  
Екатерина Микушева.



Медводдза лист бокас  
снимокыс  
Екатерина  
Микушевалөн.



Авторьяслөн мөвпяяс оз  
пыр лöсыяны редакциялөн  
видзöдласкöд.



Тираж – 691.  
Гижöдчан индекс – 52099.  
«Йöлöга» газет петö  
1991-öd восянь  
вежоннас öтчид, комиөн.



Печатьö кырымалан кад:  
график серти – апрель  
тöлысьлөн 23-öd лунö  
16 часын; кырымалöма  
печатьö 16 часын.  
Газет печатайтöма  
«Коми республиканскöй  
типография» ООÖ-ын дась  
оригинал-макетьясысь.  
167610, Сыктывкар,  
В.Савин улица, 81  
Заказ №





75

